



Inatsisartunut ilaasortaq

Doris J. Jensen, Siumut

§ 37 naapertorlugu apeqqummut nr. 094-2023-mut akissuteqaat

31-05-2023
Suliap nr. 2023-13322
All. nr. 23002722

Asasara Doris J. Jensen

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngortinneqarsimasut qujassutigaakka. Apeqqutit issuarneqarput ataanilu akineqarlutik.

1. Nakorsamut uppersaammik (lægeerklæring) pissarsiniarluni nakorsiartumut aningaasanik (kontant) akiliisitsisarneq inatsimmi sumi tunngaveqarpa?

Akissut:

Peqqinnissaqarfiup sullissinerinut akiliutit pillugit Naalakkersuisut malittarisassanik aalajangersaasinnaanermut piginnaatinneqarnerat Peqqinnissaqarfiup sullissineri il.il. pillugit Inatsisartut peqqussutaanni nr. 15, 6. november 1997-imeersumi § 24-mi allassimavoq. Peqqinnissaqarfimmi sullissinerit atuisullu akiliuteqartarnerat pillugit Namminersorlutik Oqartussat nalunaarutaanni, nr. 5, 15. februar 2006-imeersumi malittarisassanik aalajangersaasinnaanermut tunngavissat atortussanngortinneqarsimapput. Peqqinnissaqarfimmi sullissinerit aamma atuisut akiliuteqarnissaat pillugit nalunaarut naapertorlugu akit tamanut saqqummiunneqarsimangillat.

Peqqinnissaqarfimmi aqutsisut paasisutissiissutigaaq inuunermut sillimmasiinerimut, biilersinnaanermut allagartanut assigisaannullu atatillugu tunngaviusumiknakorsat namminersuutigalugit suliarisaraat. Nakorsat akuerisaasut Peqqinnissaqarfimmi atorfeqarnermi saniatigut namminneerlutik sulinissaat peqqinnissaq pillugu inatsimmi inerteqqutaangilaq.

Neqeroorutigineqartut peqqinnissaqarfimmeersuunersut namminersortutulluunniit neqeroorutigineqarnerisut nalornissutigineqannginniassammata, tassunga ilanngullugit peqqinnissaqarfiup atsiornera, naqissutaa, pisortatigut atorfup taaguutaa il.il. atorneqannginnissaat qulakkeerniarlugit sammisaaq pillugu peqqinnissaqarfimmi aqutsisunik oqaloqateqarnerit aallartinneqarput, aamma massakut suleriaatsinut tunngatillugu aqutsisut malitseqartitsinissaat pillugu isumaqatigiittoqarpoq.

Illimatitsissutigineqarsinnaavoq peqqinnissaqarfiup aalajangersimasumik suliassaasa ilaatut peqqinnissaqarfiup siunissami peqqissutsimik misissuisarnermik neqerooruteqartalernissaa aammalu allagartanik uppersaatinik assigiinngitsunik suliaqartalernissaa sulissutigineqarmata. Peqqissutsimut Naalakkersuisoqarfiup

anguniarpaa misissuinerit, allagartat uppersaait assigisaallu suut peqqinnissaqarfiup neqeroortigisarnera qanorlu akeqarnersut takussutissanngorlugit ataatsimut allattorsimaffimmik www.naalackersuisut.gl-imut tamanut saqqummiunneqartalissasut. Taamaaliornikkut peqqissutsimik misissuinerit allagartanillu uppersaaitinik eqqaaneqartunik suliaqartarnerit peqqinnissaqarfimmu nuunneqassapput, aamma akileeqqusinerit paasissutissat tunniunneqartut tunngavigalugit pisassapput, taakkulu peqqinnissaqarfiup sullissinerinut pineqartunut toqqaannartumik aningaasartuuteqarneranut naapertuutissallutik. Nuna tamakkerlugu piumasaqaatit ilisimaneqarlutik assigiimmik neqeroorteqarnissamut tunngavik qulakkeerniarlugu aamma peqqinnissaqarfiup iluani, innuttaasut, oqartussat suliffeqarfiillu paatsiveerunnissaat pinaveersaarniarlugu suliniut tamanna aallartinneqarpoq.

2. Aningaasanngorlugit (kontant) akiliisitsisarnermut suna tunngaviua?

Akissut:

Taakku sullissinerit aallaaviatigut nakorsanit nammineq ingerlanneqarput. Akiliuteqartarnermut tunngatillugu suliani aningaasanngorlugit akiliinikkut tiguerneraniluunniit akiliinikkut toqqaannartumik nakorsamut akiliisoqartarpoq. Peqqinnissaqarfiup sullissineranut atatillugu suliani taamaallaat tiguenerani akileeqqusisoqartarpoq.

Aallaaviatigut peqqissutsimut uppersaaitinik tunniussinermit immikkut misissuisoqarneq ajorpoq, naak tamanna peqqinnissaqarfimmi imaluunniit toqqaannartumik nakorsamut akiliuteqarnermit piasarluartoq. Taamaattorli peqqinnissaqarfik sinnerlugu nakorsat peqqinnissakkut sullissinerat suliffimmi aqutsinermit pissutsinik nalinginnaasumik nakkutilliinermit aammalu Nunatta Nakorsaaneqarfiata nalinginnaasumik nakkutilliisussaataitanerani ilaavoq.

3. Nakorsianik akiliutigineqartut akileraarusersorneqartarpat?

Akissut:

Apeqqutip 2-p akissutaanut innersuussisoqarpoq.

4. Taamaangippat akileraaruiginnginnerinut suna tunngaviua?

Akissut:

Apeqqutip 2-p akissutaanut innersuussisoqarpoq.

Inussiarnersumik inuulluaqqusillunga
Med venlig hilsen

Mimi Karlsen
Meeqqanut, Inuusuttunut, Ilaqutariinnut Peqqissutsimullu Naalackersuisoq